



ԵԿԵՂԵՑԱԿԱՆ ԲԵՄ. ԼՈՒՐԵՐ

Նոյեմբերի 4-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում տ. Հովհաննես ավագ քհն. Մարությանը և «Հայր մեր»-ից առաջ քարոզում «Մի՛ երկնչիր, միայն հաւատա, եւ կեցցե՛» (Ղուկ. Ը 50) բնաբանով:

Ս. պատարագին ներկա էր Վեհափառ Հայրապետը:

Նոյեմբերի 5-ին, երկուշաբթի.—Այսօր, երեկոյան, Երևանի Արամ Խաչատրյանի անվան հայհամերգի մեծ դահլիճում, Վեհափառ Հայրապետը ներկա է լինում հայ ժամանակակից բանաստեղծ և թարգմանիչ Գ. Էմինի ծննդյան 60-ամյա հոբելյանին նվիրված հանդիսութեանը:

Այս առթիվ Վեհափառ Հայրապետին ուղեկցում էին տ. Սիոն արքեպ. Մանուկյանը, տ. Հուսիկ արքեպ. Սանթրոյանը, տ. Անանիա վրդ. Արաքսյանն ու տ. Կոմիտաս արքեպ. Հովնանյանը:

Նոյեմբերի 11-ին, կիրակի.—Այսօր Մայր տաճարում, Ավագ խորանի վրա, ս. պա-


տարագ է մատուցում տ. Խաչատուր քհն. Ֆրեմկյանը:

Ս. պատարագին ներկա էր Վեհափառ Հայրապետը:

Նոյեմբերի 13-ին, երեքշաբթի.—Այսօր ուխտավորաբար Մայր Աթոռ և Վեհափառ Հայրապետին են այցելում տ. Պսակ արքեպ. Թումայանը (Անգլիայից) և տ. Շնորհք վրդ. Գասպարյանը (ԱՄՆ-ից):

Նոյեմբերի 15-ին, չորեքշաբթի.—Այսօր երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ղեկացքում տ. Գրիգորիս վրդ. Բունիաթյանը ներկայացնում է «Նիկիո Ա տիեզերական ժողովը և Արիոսականությունը» թեման:

Վերջում հայր սուրբը պատասխանում է միաբանների տված հարցերին:



Նոյեմբերի 17-ին, շաբաթ.—Այսօր, երեկոյան ժամը 20.30-ին, հոգևոր ճեմարանում տեղի է ունենում դասախոսություն, որի ընթացքում Մատենադարանի ավագ գիտաշխատող, բժշկական գիտությունների թեկնածու Ստեփան Վարդանյանը ներկայացնում է «Հայ հին բժշկագիտությունը և նրա դերը արդի կյանքում» թեման:

Վերջում հարգելի դասախոսը հանգամանորեն պատասխանում է ուսանողների տրված հարցերին:

Նոյեմբերի 18-ին, կիրակի.—Այսօր Մայր տաճարում, Ավագ խորանի վրա, սուրբ պատարագ է մատուցում տ. Գրիգորիս վրդ. Բունիաթյանը և «Հայր մեր»-ից առաջ քարոզում «Եմոտ խորհուրդի ի նուսա, թե ո՞ր արդեօք մեծ իցէ ի նոցանէ» (Դուկ. Թ 46) բնաբանով:

Ա. պատարագին ներկա էր Վեհափառ Հայրապետը:

Նոյեմբերի 21-ին, չորեքշաբթի.—Այսօր ուխտավորաբար Մայր Աթոռ է ժամանում Ալեքսանդրիայի առաջնորդական փոխանորդ տ. Իսահակ Ծ. վրդ. Ղազարյանը:

Նույն օրը, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում տ. Եզնիկ քին. Պետրոսյանը ներկայացնում է «Արիոսականության հարուցած ճգնաժամը եկեղեցու ծոցում՝ Նիկիո Ա տիեզերական ժողովից հետո և այդ առթիվ ստեղծված աստվածաբանական գրականությունը» թեման:

Վերջում տեղի հայրը պատասխանում է միաբանների հարցերին:

Նոյեմբերի 25-ին, կիրակի.—Այսօր Մայր տաճարում հանդիսավոր ա. պատարագ է մատուցում տ. Հուսիկ արքեպ. Սանթրոյանը և «Հայր մեր»-ից առաջ քարոզում «Զի լոնեցին պատերազմումը, դադարեցին լարձակմունք թշնամեաց, տնկեցի սեր և արդարություն ի յերկրի» բնաբանով:

Հավարտ ա. պատարագի, Հայաստանում սովետական կարգերի հաստատման 59-րդ տարեդարձի առթիվ, Վեհափառ Հայրապե-

տի նախագահությամբ կատարվում է «Հանրապետական մայրանք»-ի արարողություն:

Նոյեմբերի 29-ին, հինգշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական երկու հավաքույթ:

Առաջին հավաքույթի ընթացքում բանասիրական գիտությունների թեկնածու Հայկ Մելքոնյանը ներկայացնում է «Ադիսաբենը և Հայաստանը» թեման:

Ընթերցից հետո, երկրորդ հավաքույթին, տ. Անանիա վրդ. Արաբաջյանը ներկայացնում է «Հայ եկեղեցու ազգային-քաղաքական դիմագիծը» թեման:

Դեկտեմբերի 1-ին, շաբաթ.—Տօն սրբոց առաքելոցն և առաջին լուսատույնացն մեքոց Թադեոսի և Բարթողիմեոսի.

Այսօր Մայր տաճարում, Ավագ խորանի վրա, ա. պատարագ է մատուցում տ. Եղիշե քին. Բաղդասյանը:

Դեկտեմբերի 2-ին, կիրակի.—Այսօր Մայր տաճարում, Ավագ խորանի վրա, ա. պատարագ է մատուցում ուխտավորաբար Մայր Աթոռում գտնվող տ. Իսահակ Ծ. վրդ. Ղազարյանը և «Հայր Մեր»-ից առաջ քարոզում «Հոգին է կենդանարար, մարմին ինչ ոչ օգնէ» (Հովհ. Զ 64) բնաբանով:

Դեկտեմբերի 5-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում Արա սրկ. Ծլուկյանը ներկայացնում է «Հոգու անմահության գաղափարը Պղատոնի փիլիսոփայության մեջ» թեման:

Դեկտեմբերի 6-ին, հինգշաբթի.—Այսօր Մայր Աթոռի միաբան, Գերագույն հոգևոր խորհրդի ատենապետ գերշ. տ. Սիոն արքեպ. Մանուկյանը մեկնում է Միացյալ Նահանգներ՝ Ամանորի և ա. Ծննդյան տոնն-

րին մասնակցելու առթիվ՝ իր հետ տանելով Վեհափառ Հայրապետի օրհնությունները տեղի հայ հավատացյալներին:

*
* *

Դեկտեմբերի 9-ին, կիրակի.—Յդութուն
ս. Աստուածածնի յԱննայէ.

Այսօր Մայր տաճարում, Ավագ խորանի վրա, իր անդրանիկ ս. պատարագն է մատուցում Մայր Աթոռի նորընծա միաբան տ. Ստեփանոս արք. Չագայանը և «Հայր մեր»-ից առաջ քարոզում «Զի՞նչ օգտիցի մարդ, եթե զաշխարհս ամենայն շահեցի և զանձն իր տուժեցի» (Մատթ. ԺԶ 26) բնաբանով:

«Տեր ողորմեա»-ից առաջ տ. Արսեն եպս. Բերբերյանը եկեղեցու բեմից կարդում է Ամենայն Հայոց Վեհափառ Հայրապետի «Խաղաղության և բարիկամեցողության» կոչը՝ ուղղված աշխարհի բոլոր պետությունների դեկլարաներին ու եկեղեցիների պետերին (Խաղաղության կոչը տես «Էջմիածին» ամսագրի սույն համարում, էջ 6):

*
* *

Դեկտեմբերի 12-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում Վեհափառ Հայրապետը ներկայացնում է «Ի՞նչ ենք հասկանում քաղքենի և քաղքենիությունն ասելով» թեման:

*
* *

Դեկտեմբերի 16-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում տ. Անանիա վրդ. Արաքսյանը և «Հայր մեր»-ից առաջ քարոզում «Բազում մասամբ և բազում օրհնակօք կանխա խօսեցաւ Աստուած ընդ հարսն մեր» (Եբր. Ա. 1) բնաբանով:

Ս. պատարագին ներկա էր Վեհափառ Հայրապետը:

*
* *

Դեկտեմբերի 17-ին, երկուշաբթի.—Այսօր, կեսօրից հետո, իր պաշտոնատեղին է մեկնում Ալեքսանդրիայի առաջնորդական փոխանորդ տ. Իսահակ Ծ. վրդ. Ղազարյանը, որը շուրջ մեկ ամիս գտնվում էր Մայր Աթոռում:

*
* *

Դեկտեմբերի 19-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

*
* *

Դեկտեմբերի 23-ին, կիրակի.—Այսօր Մայր տաճարում, Ավագ խորանի վրա, հանդիսավոր ս. պատարագ է մատուցում Ծիրակի թեմի առաջնորդ տ. Նարեկ եպս. Ծաքարյանը և «Հայր մեր»-ից առաջ քարոզում «Զի՞նչ ամենայն որ բարձրացուցանե զանձն իր՝ խոնարհեցի, եւ որ խոնարհեցուցանե զանձն՝ բարձրացի» (Ղուկ. ԺԸ 14) բնաբանով:

Ս. պատարագի դպրաց դասի երգեցողությունը կատարում էր՝ Վեհափառ Հայրապետի հրավերով Մայր Աթոռում գտնվող Լեւոնականի ս. Աստվածածին եկեղեցու քառամայն երկսեռ երգչախումբը՝ ղեկավարությամբ նույն եկեղեցու ծիսակատար քահանա տ. Արամ ավագ քին. Բոյաջյանի:

Ս. պատարագից հետո երգչախմբի անդամները Վեհարանում ընդունվում են Վեհափառ Հայրապետի կողմից և աջահամբույրով ստանում Նրա հայրական օրհնություններն ու հորդորները:

Ժամը 14.30-ին, ի պատիվ Լեւոնականի ս. Աստվածածին եկեղեցու երգչախմբի, վանքի միաբանական սեղանատանը տրվում է ճաշկերույթ:

Ծաշկերույթին հրավիրված էր նաև մայր հայրենիքում գտնվող ֆրանսահայ բազմապատասկ երգահան և խմբավար տիար Արա Պարթևյանը՝ իր ազնվափայլ տիկնոջ հետ:

Ծաշկերույթի ընթացքում նախ խոսք է առնում Մայր տաճարի լուսարարապետ տ. Հուսիկ արքեպ. Սանթրույանը, որն իր ուրախությունն ու գոհունակությունն է հայտնում օրվա գեղեցիկ առիթի համար:

Այնուհետև հայրական Իր օրհնության ու գնահատանքի խոսքն է ասում Վեհափառ Հայրապետը և Ծիրակի թեմին, նրա բարեջան առաջնորդին ու երգչախմբի անդամներին մաղթում նորանոր հաջողություններ՝ նրանց Աստվածահաճո գործի ճանապարհին:

Ծաշկերույթն ավարտվում է խմբովին երգված «Հայր մեր» և «Հայրապետական մաղթանք» սրտառույշ երգերով:

*
* *

Դեկտեմբերի 25-ին, երեքշաբթի.—Այսօր ուխտավորաբար Մայր Աթոռ և Վեհափառ Հայրապետին են այցելում Բուենոս Այրեսի Ազգային Ասլանյան վարժարանի շրջանավարտները:

*
* *

Դեկտեմբերի 30-ին, կիրակի.—Այսօր Մայր տաճարում, Ավագ խորանի վրա, ս.

պատարագ է մատուցում տ. Հովհաննես ավագ քհն. Մարությանը:

*
* *

Նույն օրը ուխտավորաբար Մայր Աթոռ և Վեհափառ Հայրապետին են այցելում Բուենոս Այրեսի Հայ Բարեգործական Ընդհանուր Միության «Մարի Մանուկյան» ազգային վարժարանի շրջանավարտները:

